



Controla da gestiun stà 2018 tras la cumischiun sindicatoria

La cumischiun sindicatoria ha manà tras la fin da gün 2018 la controla da gestiun. La direcziun operativa ha tut incunter la notizcha d'acta e tilla ha elavurada. La resposta es gnüda preschantada e sancziunada da la suprastanza cumünala.

TESSVM SA – delegaziun dal Cumün da Zernez i'l cussagl administrativ a partir dals 1. schner 2019

La suprastanza ha decis da propuoner a Dario Cadonau da Brail sco rapreschantant dal Cumün da Zernez i'l cussagl administrativ da la TESSVM SA.

Staziun Susch – prolungaziun provisorica dal perrun

Cuntschaintamaing vain fabricà d'ürant ils mais marz fin settember 2019 sülla lingia da la Viefier Retica tanter Sagliains e Scuol/Tarasp. D'ürant quel temp circuleschan divers bus tanter Susch e Scuol. Tras quai saja pro la staziun da Susch ün grond augmaint da personas chi han da müdar dal tren sü'l bus e viceversa. Las cumposiziuns da tren sun uschè plü lungas ed il perrun a Susch sto gnir prolungà per 160m. Quistas masüras sun temporaras e be per la d'ürada dal temp da fabrica. La suprastanza ha tut posiziun in sen positiv e nun ha da far ingünas intervenziuns.